



A lokisetse Morena sechaba se phethehileng (Luka 1,17)

Tel: 28 350 466/ 62600983 (WhatsApp)

# MOELETSI OA BASOTHO

PARARE DOMINO PLEBEM PERFECTAM



Polasetiki e'a felisoa

2

Tšireletso ea bana

6



5

# O MO NTŠA MALA

www.moeletsioabasothe.co.ls



Re se re fumaneha ho marangrang

Email: newsroom@moeletsioabasothe.co.ls  
Tel: +266 28350466/ Whats app: 62600983

# MOELETSI

## Litumellano tse ling!

Lefatše le toantšong ea tlikefetso ea basali le bana e bonahalang e ntse e tota letsatsi le letsatsi, 'me bana bona ba hlekefetsoa haholo ka motabo ba sa le lilemong tse tlaase. Mokhatlo oa Lithuso oa Bana (UNICEF) 'moho le World Vision Lesotho li kopantse matsoho ho thusa bana ho tlaheha liketsahalo tsohle tse ba amang ka mokhoa o lokolohileng, ka ho ba thehela Lekhotla la Bana. Ketso ena e t'lo ba molemo haholo baneng hobane ba tla tseba ho bua litaba hantle ba le tikolohong eo ba lokolohileng ho eona. Mekhatlo ena e 'meli e thusitse haholo ho sireletsa litokelo tsa bana, joalokaha e le sechaba sa kamoso 'moho le baetapele. Tšireletso le tsotello ena li thusa hore naha e se be le sechaba se holang ka lipelo tse bohloko, hobane seo se tla thuntšetsa bokamoso ba sona 'moho le ba naha.

Lekala la Tikoloho le Meru ka kopanelo le Setsi sa Pokello ea Lekhetso (RSL) li tekenetse tumellano mabapi le pokello ea lekhetho la polasetiki, ka morero oa ho fokotsa litšila tse ka bakang mafu a mangata a sa hlokalang ka lebaka la polasetiki e tletseng hohle mona. Bohlasoa bo joalo bo boetse hape bo ka bolaea liphoofole tse ka e jang, hape bo ka silafatsa tikoloho. Ha pheliso ea polasetiki e atlehile ho ka ba le melemo e mengata haholo, 'me e meng hara eona ke tikoloho e hloekileng e makhetho e ka hohelang bahahlau li 'moho le batseteli ho tla Lesotho. Ntle le hore bophelo ba sechaba le liphoofole bo tla fetoha bo matlafale. Letona la Tikoloho le Meru o itse lekhetho lena le lebeletsoe ho kena tšebetso ka la 1 Phupjane monongoaha, 'me polasetiki e tla lefisoa 90 Lisente. RSL e tla nka 7% pokellong eo ebe e 'ngoe kaofela e sebelisoa ho matlafatsa tikoloho le merero eohle ea boqapi.

Motho ea bitsoang John ke eo u koasitse ka senotlolo sa ntlo e tšetseng thepa ea tšebetso ea 'muso, lebaka la hae ke hore bao ha ba na tokelo moo. Litaba tsena tsa hae o li tšehetsa ka tokomane (sub-lease) eo e leng tumellano ea hae le letona la mehleng. Ebe ke mae-mong afe ao letona le etsang tumellano le Mosotho ka thepa ea 'muso? Litaba tsee ebe li entsoe ka lihlooho tse pholileng le maikutlo a tsitsiseng? Leha ho le joalo RSL e se e hlahletse nyeoe khahlanong le John joalokaha e le eona e ikarabellang litabeng tsa moaho oo.

Motšoaruoa o se a bolaila e mong ka ho mo hlaba maqeba a mangata ka sekere seo ho sa tsebahaleng hore na o kopane kae le sona. Mookameli oa Mokhatlo oa Batšoaruoa ba mehleng, o re bahlanka ba bontša ba se ba sa etse tšebetso hantle ka lebaka la komisi ea liphuputso. Ba re ha ba tsebe hore na qeto e teng e tla ba beha hokae. Joale seo se ba fa tokelo ea ho se etse mosebetsi oa bona hantle? Ana ho sa na le lebaka la hore ebe ba mosebetsing haeba ha ba o etse? Ba bapalla bophelong ba batšoaruoa hobane batho bao ba tšepile bona, hape ba nka likhafa tsena tsa Basotho hanyenyane.

Bookameli ha bo fana ka lehlakore bo bontša ha 'melaelloa e se motho ea hlaha, ka hona h'a tsoile ho ea tšebetsong kantle ho setsi a sa phopholetsoe. Hape 'melaelloa le mofu e ne e le metsoalle e neng e etelana ka liphaphosing, hofihlela ha 'melaelloa a bontša a tsoile ka phophosing a le mali sefahlehong hobane mofu a mo otlile ka feisi. Ka hona o ne a lokeloa ke lefu? Taba ena ea 'melaelloa ha e-ea hlaka, ho nkha morero mona hobane sekere se hlaha kae? E se eka esale a mo emetse hore a etse phoso a tsebe ho 'molaea.

### MOLIMO A BOLOKE LESOTHO LE BASOTHO

## Morero oa ho felisa polasetiki



### Nthabeleng Seithleko

Lekala la Tikoloho le Meru ka kopanelo le Setsi sa Pokello ea Lekhetso (RSL) li tekenetse tumellano ea tšebetso mabapi le pokello ea lekhetho la polasetiki ka morero oa ho anetsa litaba tsa bohloeki le bophelo bo botle ba sechaba. Tsena li bile ka la 20 Pherekhong monongoaha.

Mookameli oa RSL 'Mathabo Mokoko, o bontšitse hore mosebetsi ona o t'lo thusa ho boloka bophelo bo botle ba sechaba kaha ho ba le polasetiki e ngata ho silafatsa tikoloho le ho ama bophelo bo botle ba sechaba, hoo naha e qetellang e ba le mafu a mangata a sa hlokalang.

"Ha se bophelo ba sechaba feela bo amehang le ba liphoofole esita le ho ameha ha tikoloho e ntlafetseng ho sitisang phfumoloho ea eona le bohloeki." A rialo. O re ketsahalo ena e kenya letsoho kholong ea moruo oa naha hobane ho ke ke ha hlola ho nyhamisa batseteli ho tsetela naheng ena, kaha ba tla ba le tšepo ea hore ba tla etsa liphaello ho na le ho lahlehela.

O itse ba tla bona hore lisebelisoa tsohle tsa polasetiki li'a tsebahala ha li kena malibohong, hape ba tla netefatsa hore pokello ea lekhetho e ba e hloekileng ho latela tšebetso ea bona. A re taba ea ho felisa polasetiki tikolohong ha se boitlamo ba Naha ea Lesotho feela mpa ke ba linaha tsohle, ka hona ke boikarabello ba bohle ho bona hore polasetiki e'a fela.

A phethela ka hore chelete e tla bokelloa nakong eo, e tla sebelisoa ho tšehetsa merero e meholo ea boqapi litabeng tsa tšebeliso ea polasetiki, le mekhoha e meng ea ho ntlafatsa tikoloho le lets'olo la ho hloekisa Lesotho.

Letona la Tikoloho le Meru, Mohlomphehi Letsema Adonts'i o hlalositse hore ho tloha ka la 1 Phupjane monongoaha, pokello ea lekhetho e tla be e kena tšebetsong, 'me tebelo ke hore polasetiki e tla lefisoa 90c ea lekhetho ha pokellong eohle RSL e tla nka 7%

fele kahar'a naha ena. A re ke boikarabello ba sechaba ho hlokomela tikoloho le ho bona hore bophelo ba bona bo ba botle ka ho baballa tikoloho e hloekile, ho nena tšebeliso e mpe ea polasetiki molemong oa moloko o tlang.

Motlatsi oa Mongoli e Moholo lekaleng lena Ape-si Ratšele, o supile hore mosebetsi oa ho bona hore polasetiki e felile tuu! kahar'a naha ena o mongata, ho fihlela mona esale ba hula ka thata ka tšebetso ea UNDP. A re ba sebetsa ka thata ho loanela bophelo bo



e tla sebelisoa e le lekeno la naha, ha pokello eohle e tla sebelisoa ho matlafatsa tikoloho le merero eohle ea boqapi.

O bontšitse hore ba tsoenyehile ke polasetiki e tletseng hohle, 'me bophelo ba sechaba bo ba tsietsing batho ba qetella ba kula mafu a sa tsebahaleng, 'moho le liphoofole ha tikoloho e qetella e bolaea boieane ba tlhohleho.

O re ke takatso ea bona hore qetellong polasetiki e

botle ba sechaba, liphoofole le tikoloho e manoni. A re ba tla baballa selekane sena le ho bona hore se fihlela liphelohelo tsa sona.

Ho sa le joalo, Ramolao oa Lekala Adv. Limpho Sekete, o itse khafa e kengoang holima polasetiki e felisoa 'me ho loants'oe le tšebeliso e mpe ea eona. A re khothaletso ke hore ho sebelisoa mekotla e tšelang lijo ha motho a ea mabenkeleng etsoe taba eo linaheng tse ling e pheloa.

Contacts: +266 28350 466

62600983 WhatsApp

Email: [newsroom@moeletsiabasotho.co.ls](mailto:newsroom@moeletsiabasotho.co.ls)

Sales and Marketing: (+266) 28 350 466/ 57396597 (WhatsApp)

**MOELETSI oa BASOTHO**

A LOKHETSE MORENA SECHABA SE PHETHEHLENG (LUKE 1:17)

### Editorial

Lesoetsa Rakubutu

(+266) 6203 1949 / 58190670

EMAIL: [editor@moeletsiabasotho.co.ls](mailto:editor@moeletsiabasotho.co.ls)

Mohale Lehlohonolo (Sub-editor)

(+266) 58 771 507 / 62 771 507

### Journalists

Nthabeleng Seithleko

57 665 038/ 68 216 271

Tšeliso Thakholi

58 540 853/ 63 480 404

Production Desk: 'Mateele Liqa

# NMDS e beha sekala



## Nthabeleng Seithleko

Ele ho netefatsa hore chelete e lefelloa baithuti sekolong ho hlaha Lefapheng la Lihlapiso tsa Baithuti (NMDS) e phelela le moloko o tlang, bohle ba nang le mokitlane ba tla lokela ho lefa chelete eo ho latela hore na meputso ea bona. Litaba tsena li hlahetse tulong ea Komiti ea Ntlafatso ea Moruo, ka la 21 Pherekhong monongoaha. Mookameli oa NMDS Tha-

bo Ntoi, o supile hore motho ea fumanang moputso o tlohang ho M15,000.00 ho ea holimo o tla lefa 30%, ea fumanang M10,000.00 ho isa ho M12,000 o tla lefa 25%, ea fumanang M7, 000.00 hoya ho M9, 000.00 o tla lefa 20% ha ba fumanang moputso oa M4, 000.00 ho isa ho M5, 000.00 ba tla lefa 15%.

O re motho ea fumanang M1,970.00 ka khoeli ho ea tlaase ho kenyeletsa le ea fumanang M2, 000.00, ba nkoa e le mohloki-hloki ka hoo bona ba lebeletsoe ho lefa khoeli le khoeli ntle le

liphelelo.

Mongoli e Moholo Lekaleng la Lichelete Nthateng Lebona, o itse ho bohlokoa hore Basotho ba tsebe hore lefapha leo le molemong oa meloko eohle, ka hoo bohle ba nang le mekitlane ba lokela ho bona hore chelete e joalo e khutlela mokotleng oa 'muso.

A re ba se ba tile ka leano le leholo la ho bona hore na ba ts'ehetsa baithuti ba lithuto tse itseng, kaha mafapha a mang bana ba bangata ba lutse ka mangolo malapeng, ka hona taba eo ke e 'ngoe e tla ba thusa ho

tsoelapele ka matla le hore sesiu sa pokello ea chelete ena se ne se atlehe le ho hola.

A phethela ka hore ho bohlokoa hore bacha ba tsebe hore ha ba lefelloa sekolo ke 'muso hoo ke mokitlane o lokelang ho lefshoa molemong oa hore chelete eo e tle e phelele meloko e tlang.

Molula-Setulo oa Komiti ea Ntlafatso ea Moruo Sello Hakane, o re e se e le nako joale taba ea lihlapiso ho baithuti e ama boiketlo le lithuto tsa bona, ka hoo e se e ka NMDS e ka etsa matsapa ohle ho sireletsa ba amehang. A etsa boipiletso ba hore ho shejoe tsela e nepahetseng ho ntlafatsa bophelo ba baithuti kaha ba bang ho se bokhoni malapeng a bo bona.

Ba bang ba baithuti ba bileng 'mokeng ona Mamatebele Mahlelebe, e bile e le mithuti Sekolong se Seholo sa Sechaba (NUL) o hlalositse hore ba sitoa ho tsoelapele ka sekolo hobane joale ba batloa chelete ea mokitlane.

O re ba thatafaletsoe hobane ha ho moo ba nkang teng, ba bothateng ke bana ba mafutsana. A re boholo matsohong a bona ba ts'oere lipampiring tse pakang hore batsoali ba bona ha ba na bokhoni, ba bang ba sitoa ho fihlela lichelete tseo ho itsoeng ba li lefe hobane ba se na tsona.

Ka hona ba ipiletsa ho lekala ho ela mafutsana hloko ka mekhahlelo eohle ea ona hore na le toro ea ho kena sekolo joaloka bana bohle.



# John o rakaletse

## Nthabeleng Seithleko

Liofisiri Lekaleng la Khoebo le Mesebetsi e Meholo, li re li ts'oere maphele ka sekotlo, kaha setoro se bolokileng thepa ea ntlafatso ho sona, motho ea tsebahalang ka lebitso la John a koasitse ka linotlolo ka lereng moaho oo o ikarabella ho eena. Litaba tsena li hlahelletse kapela

Ba re thepa eohle e ileng ea rekoa ke Lekala e le ea ntlafatso e ntse e koaletsoe ho e meng ea moaho oo o ileng oa hiroa ho hlaha, setsing sa pokello ea Lekhetso ( RSL). Ba re John o Hanne ka linotlolo tsa moaho ho mokonteraka ea neng a lo lata thepa ka lereng a se hlole a bonoa sebakeng seo, a bile a bonts'a ka lengolo la moaho (Sub-lease) e tekenetsoeng ke Letona la nako e fetileng la khoebo le mesebetsi e meholo.

Mongoli e moholo oa Lekala lena, Palesa Matobako, o supile hore thepa ea ntlafatso e ntse e lutse sebakeng seo, e ba ts'oere matsoho hore ba sitoe ho

sebetsa. O re e se ele nako ea likhoeli tse 6 – 5 ho sa sebetsoe. Taba ena e wtsa hore tiehiso e be teng mafapheng a mang 'me ba sitoa ho etsa mosebetsi oo ba lokelang ho o o etsa.

O re ba ile ba ts'oara ka natla ho bona hore ba buisana le ba molao, 'me ha joale eo o nketsoe likhato tsa molao kaha nyeoe e hlahletsoe ke setsi sa pokello ea lekhetso ( RSL) lekhotleng le phahameng ka Tlhakubele ngoahola empa e le hore nyeoe e joalo ha eso beheloe letsatsi la hore e buuoe.

O re ho thibelo ho kena moahong oo o ts'etseng thepa, ho tile kamor'a hore ba qale ts'ebetso moahong oo, ha lipuisano tsa bona le John tsa ho sa lokolle thepa liqalile ka 2022, tsa seke tsa atleha .

Mookameli lefapheng la thepa, Molebatsi Rabolinyane, o supile hore ba atlehile ho nts'a feela sekala ha lirulara li ntse li koaletsoe kamoo le lithepa tse ngata. A re ba fumane ka lefapha la molao hore nyeoe khahlanong le John e se e hlahletsoe.

O re ts'ebetsoeng taba ena ha e amohelhe hobane

thepa engoe e felloang le boleng e sa sebetse, e lokela ho sebetsa ho latela nako e lokelang molemong oa hore mosebetsi e be o potlakileng.

Komiti ea litaba tsa

Moruo, e hlalositse hore e tla kopana le Letona la molao le la khoebo le Mesebetsi e meholo ho thusa naha hore etsoe moo e teng, le lithepa tsa 'muso tseo batho ba ikhapetseng tsona li

khutlele matsohong a nepahetseng. Ba re litumellano tse entsoeng li lokela ho fuputsoa le ho sebetsoa hantle, hore ho be molemong oa naha e seng oa batho ka bo bona.

22 322 213 / 27 350 562

mazerubookcentre@gmail.com / bookcentre@mazenodprinting.co.ls

Stock up on stationery and textbooks for the 2025 school year.

Celebrate responsibly and prepare ahead this holiday season!

# RE TŠEHETSA BACHA

## Tšeliso Thakholi

**H**a se bacha bohle bao e reng ha ba sa kena sekolo kapa ho se sebetsa e be ba kena litlolong sa molao. Ho teng bacha ba sebelisang likelello tsa bona ho bona hore ba ka phela joang le ho phelisa ba malapa a habo bona le a bona ka tsela e bobebe ea ho etsa mesebetsi e kang ea botaki ka litšoantšo tse fapakaneng. Ke mang ea neng a ka nahana hore botaki bo ka hlalishetsa bacha mesebetsi ea boipheliso?

Tankiso Mohalali o'a taka le ho etsa litšoantšo tse fapakaneng ka ho sebelisa lipampiri tsa mefuta eohle le ho etsa mekhabiso ka mapolanka le likutu tsa lifate. Botaki ba mocha enoa bo ka ba bohlokoa ho bacha ba ho re ba ele hloko hore ka litalenta tsa bona ba ka tseba ho iphelisa.

### Qaleho ea mosebetsi

Ke qalile mosebetsi oa botaki ha ke qala ho kena Sekolo sa Mathomo sa Leqeletse, feela mosebetsi oona ha se ntho eo ke ileng ka e rutoa, empa ke neho.

### Tlhokomelo ea talenta

Hantle ha ke ea ruteha kaha ke tsoile ke entse Sehlopha sa Bosupa, tlasa mathata ao ke tla sitoa ho oa hlalosa mona empa ke bile le lehlohonolo la ho hlokomela talenta ena. Pele ke kena sekolo joaloka ngan'a Mosotho ea hotseng a alosa h'a bapala naheng, ke ne ke sebelisa letsopa ho bopa likhomo, linku, lipoli, terene, lifofane le likoloi.

### Thahasello ea ho bopa

Ha ke se ke le Sekolong sa Mathomo, thahasello ena ea ho bopa lintho ka letsopa ea fetohela ho etsa lintho tseo ka mokhoa oa botaki, e le karolo e 'ngoe ea likeletso tseo ke ileng ka



li fuoa ke litichere.

### Qaleho ea ho kenela litlholisano tsa botaki

Ka selemo sa 2014 ka qala ho kenela litlholisano tsa botaki tse neng li tšoaroa selemo le selemo, e le ho holisa le ho ntlafatsa litalenta tsa bacha. Li ne li tšoarelola Setsing sa Liboka sa 'Manthabiseng ka lithuso tsa Ma-Amerika. E re kaha 'm'e oa ka o ne a sebetsa ha Makhooa matlong a bolulo a Maseru West, e leng moo ea neng a qoqela mong'a hae hore o na le mora ea tsebang botaki, motho eo a kopa hore ke etse litšoantšo tse hlano li tlisoel litlholisanong. Litšoantšo tseo tsa ka li ne li rekoe kaofela ka ba ka hlaha boemong ba pele litlholisanong tseo.

### Lipontšuo tseo a ileng a li kena

Ke ile ka boela ka kenela lipontšuo tse 'maloa kahare le kantle ho naha ke ntse ke atleha. Kamorao ho mona ha nka ka utloa ke e-na le takatso ea ho ea sekolong ho ntšetsa talenta ena ea ka pele. Empa ke ile ka tsoelapele ho sebelisa talenta ena ea ka ho takela batho, likhoebong tse kholo, ho khabisa likoloi tsa baeti,

a batho ka bo-mong le ho etsa matšoao a fapakaneng a mekha ea lipolotiki.

### Theko ea thepa

Boholo ba thepa eo ke e etsang e rekoa ke melata, bahahlaoli le sechaba sa Basotho. Nakong ea me-

Kantle ho Afrika Boroa batho ba atisang ho reka lihlahisoa tsa ka ke Maswatsi le Batswana.

### Liqholotso

Bothata bo boholo boo re kopanang le bona tšebetso ke ho se fumanehe ha



kete ea bochaba e neng e tšoarelola Morija thepa ea ka e ne e rekoa haholo.

bonolo ha thepa eo re e sebelisang, hape batho bao re ba etsetsang thepa ba lieha

ho re lefa.

### Bokamoso ba botaki

Botaki bo na le bokamoso bo botle 'me bo ka thusa bacha ba nang le neo ena ho iphelisa le kholisong ea moruo oa Naha ea Lesotho haeba bo ka fumantšoa tšehetso e hlokalang.

### Lithuso

Kannete hona joale ke sebeletsa tenteng Maseru mona, 'me ke rata ho ba le moaho oo ke tla tseba ho etsa mesebetsi hantle. Ka hona ke se ke kopa lithuso le litlatsetso ho batho bohle ba boithatelo bo botle kaha takatso ea ka e kholo ke hore talenta ena le litsebo ke tle ke li siele bana ba Basotho. Ha e le tabeng ea batho ba ka ratang ho tla moo ke ntseng ke sebeletsa teng, ba ka tla, hore re tilo hlopha mokhoa oa boithuto. Bohle ba ka ratang ho tla boithutong ke tilo ba fa malebela ba amohelehile.

### Ho bacha

Bacha ba heso holisang litalenta tsa lona ka ho kena sekolo. Le iphelise ka tsona

ka ho itlhalishetsa mesebetsi ho ea ka litalenta tsa lona ka ho fapakana ha tsona.



Listen To Us Here

Mafeteng  
Mohlale's Hoek  
Qach's Nek  
Quthing



Maseru  
Berea  
Leribe



Mokhotlong  
Thaba Tseka  
Butha Buthe



www.bokamoso974.co.za

# O mo ntša mala ka sekere

## Nthabeleng Seitlheko

**B**ahlanka ba Litsi tsa Tlhabollo ea Batšoaruoa ba utloahala ba ngalile mosebetsi kamor'a ho bitsoa ha komisi e neng e fuputsa liketsahalo tsa ho kakatoa ha batšoaruoa selemong sa 2023/2024, kaha ha joale ba utloahala ba se ba sa hlahlobe litsi joaloka tloaelo ka le reng ha ba tsebe hore na komisi kamor'a liphuputso e tla ba behella kae le hore tšebetso eo e bonahala e ka ama mosebetsi oa bona. Litaba tsena li boletsoe ke Mookameli oa Mokhatlo oa Batšoaruoa ba mehleng Nkalimeng Mothobi, ka la 22 Pherekhong monongoa-ha.

A bua ka pelo e bohloko o hlalositse hore ho bolaoa ha motšoaruoa ho bileng ka la 21 Pherekhong monongoa-ha, ke motšoaruoa e mong, ho lokela ho hlake hore na sekere seo a suptjoang a se sebelisitse se ne se tsoa hokae. O re se makatsang ke hore ha ho karabo tabeng ena kaha bahlanka ba re eo o itse o se nkile moqomong.

O re seo bahlanka ba itšoareletsang ka hona ke hore ba sitoa ho sebetsa kamor'a komisi le mecha ea khalemo ea tšebetso e bohlasoa mosebetsing e etsoe kaha ho se ho bonahala ho se tšebelisanano 'moho e ntle lipakeng tsa bona le batšoaruoa.

O supile ho lokela hore batšoaruoa ba hlahlojoe kaha ba lebeletse tšireletso ho tsoa ho bahlanka empa ha ba tlohela ba sa etse mosebetsi oa bona ba baka kotsi ho naha, le mesebetsi-



bona hore taba tsena li fihla pheletsong, kaha setsing sa tlhabollo ea batšoaruoa ho bolokiloe bophelo ba batho ba bang." Ke Mothobi eo.

O itse ho hong ho bakileng bothata ke ho lieha ho phatlalatsoa ha tlaho le liqeto tse fihletsoeng ke komisi hobane seo se tšoarelletse bahlanka kaha ba sebetsa ka letsoalo. A re ho ne ho le bohlokoa hore kamor'a tšebetso ea komisi ebe bahlanka le batšoaruoa ba ile ba fuoa tlhabollo.

O tsoetsepele hore litabeng tsa melao ea litokelo tsa mantlha tsa batšoaruoa Afrika le tsamaisong ea Litsi tsa Tlhabollo ea Batšoaruoa Naha ea Lesotho e tlo lahleheloa ke seriti hobane e tlo ba le tlaho e mpe machabeng e leng ho tlo bakela naha bothata kaha mekhatlo e sebetsanang le litaba tsena e ka 'na ea fana ka likhato tse tlamang naha ho li phethahatsa e bile e le

Batšoaruoa hore ba il'o bua le bona hore ba utloise sebaka seo ba phelang ho sona.

Ho sa le joale ka la 22 Pherekhong monongoa-ha, Bookameli ba Litsi tsa Tlhabollo ea Batšoaruoa bo bile 'mokeng oa bo-ralitaba oa khohola-koqo moo ba hlalositse masisapele ka polao ea e mong oa batšoaruoa setsing, eo ba reng ketso ena e ba tšositse kaha ba ne ba sa e lebella.

Ea neng a tšoere molepo e le Mookameli nakong ea ketsahalo ena, Senior Superintendent Martin 'Molaoa, lebitsong la Mookameli o hlalositse hore 'melaelloa ketsong ena ke Moeketsi Sefafe oa Masoeling Berea ea tummeng ka lebitso la 'Mali a Konyana.' O bontša ha eo a bolaila motšoaruoa e mong ka sekere, 'me har'a maqeba a teng ho mofu eo o bonahetse a mo hlabile molaleng, empa ha eo a hlobolisoa ke sepolesa se bileng teng kamor'a ketsahalo o bone hore o boetse o hlabilo 'meleng, o na le maqeba matsohong a ntho e nthithi, le a mang a tšoanang le a molaleng a mane, lefetšoaneng o mo phuntše joalokaha ha a hlaba phoofolo, likahare tse ling li tsoetse ka ntle. O re kaha ho ne ho se ho e-na le mehala e mengata ho hlaha ofising o bone maqeba ao feela, o ile a lokela ho potlakela ho bookameli.

"Ea hlabiloeng ke mofu o lula seleng tsa ba kulang, ba na le likamano tse ntle le eo, kaha ba ne ba etelana khafetsa, empa ka letsatsi leo ka hora ea 11 hoseng, batšoaruoa ba ile ba makatsoa ke ho bona monyako oa ea hlabileng e mong o se o koetsoe hanyane ha ea bona e butsoe, le ho nyamela ha ea neng a etile e leng

mofu nako e telele. Ke moo batšoaruoa ba ileng ba bitsa ba ikarabellang, ba ileng ba sitoa ho bula, eaba ba ea ka bongata ba fumana eo a se a tjapaletsa fatše.

"Melaelloa enoa ea littlamong, e leng monga ketso, o hlaloso a ile a hlaha monyako a le mali ho tloha li nkong ho ea melomong ka le reng mofu o ne a mo otlile ka feisi." Ke 'Molaoa eo.

Ho ea ka tšebetso ea bona b'a tseba hore motho o potisoa sepetlele pele ho netefatsoa hore o hlokahe-tse empa ba ile ba lokela ho amohela litaba tsa sepolesa, ha se ba hlalosetsa boemo kaha mofu e se e le oa sepolesa.

Motšoaruoa ea hloka-hetseng o ahlotsoe lilemo tse 7 le likhoeli tse 6, ea mo bolaileng h'a e-s'o a hlaloe o ntse a tsamaea nyeoe ea hae ea polao Lekhotleng le Phahameng. Ea hlalosoang a ile a bolaea ntat'ae pele a tšoaroa, a bolaea motšoaruoa e mong seleng mapoleseng Berea, kajeno o boetse o bolaila motšoaruoa kahar'a Setsi sa Tlhabollo ea Bats'oaruoa.

Eo o hlaloso a fihlile setsing ka selemo sa 2020, 'me litaba tsa hae li mo hla-ketse ka selemo sa 2023 ha ho na le batšoaruoa ba neng ba balehile, kaha a ne a bonahala a sa isoe Makhotleng, empa ba sebetsa ka thata ho susumetsa hore nyeoe tsa hae li buoe e le hore a tsebe ho ahloloe.

"Ha se motho ea hlaha empa o lokela ho lula a behiloe leihlo o ne a lula a le mong empa a lula a fasiso ho qoba ho tsohela ba bang matla." A rialo.

O re eo e leng 'melaelloa oa polao o ile a qetella a hlahlile lekhotleng, o qalile ho ea nyeoeng ka la 4 Phupjane ngoahola, eaba


Moahloli e Moholo o hlokomela hore eo o na le bothata a isoe setsing sa tlhatlhubo ea mafu a kelelilo, 'me a khutla ka la 20 Phupjane monongoa-ha. Ho fihlela ha joale ha ho mafu a kelelilo a bonahalang e'o a e-na le ona, ho latela tlaho tsa lingaka.

Motlatsi oa Mookameli oa Litsi tsa Tlhabollo ea Bats'oaruoa, Matingoe Phamotse o itse ba litsi tsa bona ha e-s'o be boemong bo bottle, ka lebaka la boemo bo teng, hobane hore ho be hantle ke hore Basotho ba ikotle lipokotho ho etsa joalo.

A re ho na le batšoaruoa ba bohlale ho ba feta, ke ka lebaka lena ba lulang ba hlahlojoe kamehla, pele ba abeloa mesebetsi kamor'a ho e fuoa le ha ba chaisa libakeng tse joalo hore ba se ke ba kena ka libetsa. O re empa eo kaha o hlaloso a ne a sa bontše matšoao a ho ba hlaha, o entsa hore bao ba se ke ba ba le pelaelo ea letho ka eena.

Mookameli oa Litsi tsa Tlhabollo ea Batšoaruoa, 'Mating Nkakala, o bontšitse hore mabitso a mofu ha e-s'o phatlalatsoe, le sebaka seo a phelang ho sona hobane ha se bohle ba lelapa ba tsebang litaba tsena, le hore ba lokela ho etsa seo ka tumellano le lelapa. O re tšebetso eohle e tla etsoa ho sebetsoa 'moho le lelapa, 'me kaha ba se na litša tsa mabitla o tla ea bolokeloa habo.

A re tebello ke hore batšoaruoa ba phelisane ka khotso, ho se tšitiso ea letho, hobane ba phela sebakeng se le seng. O re ba tla nka likhato tsa molao khahlanong le ketso eo, 'me ea hore na lelapa le ka ba qosa kapa che, eo ba tla sitoa ho e arabela.



ing ea bona kaha ba tšepetsoe mosebetsi oo.

"Letona la molao le bohle ba ikarabellang ba loke-la ho sebetsa ka thata ho

liqeto tsa leheshe-heshe.

O phethetse ka hore ba lakatsa hore ba buleloe mamati ke Bookameli ba Setsi sa Tlhabollo ea

# Tšireletso ea bana

Lesotho. O re hona ke se-supu sa hore tšireletso ea litokelo tsa bana e phamoletsoe holimo ke mafapha

## Nthabeleng Seitlheko

**E**le ho anetsa litaba tsa kabo ea toka baneng, Mokhatlo oa Lithuso Baneng (UNICEF) le World Vision Lesotho li nehelane ka Lekhotla la Bana le reretsoeng ho sireletsa litokelo le seriti sa bana. Tsena li bile ka la 21 Pherekhong monongoha.

Mookameli oa World Vision Lesotho James Chifwelu, o supile hore ho ntlafatsa bana ho thusa tikoloho e phetseng hantle, ho matlafatsa metheo ea kholo e ntle baneng le bokamosong ba bona, le hore bao ba lokela ho phela tikolohong e sireletsehileng.

O re hona ke katleho e kholo litabeng ka kabo ea toka baneng, 'me bona ba tla lula ba tšehelitse Makhotla ho bona hore mosebetsi o ba o motle.

Lebitsong la UNICEF Dr. BOB Muchabawa, o re mosebetsi ona o tla ka nako e nepahetseng moo Naha ea Lesotho e qetang ho etsa boitlamo ba ho ema khahlanong le tliekefetso ea bana, ka hona ketso e na e oelella litabeng tsa bophethahatsi.

O re Naha ea Lesotho e tšoere ka thata ho bona hore bana ba ea bolokeha, 'me



lefatšeng bana bohle ba tobaneng le mathata ba lokela ho buelloa le ho sireletsoa ke molao hore bophelo ba bona bo ntlafale.

'Maserata e Moholo Makhotleng a Manyenyane Kolobe Manyathela, o itse nakong ea pele ho ne ho se melao e tsamaisang makhotla a bana empa ha joale ba tl'o sebeletsa tikolohong eo ho seng mang kapa mang ea ka hlekefetsang bana kaha ba tseba melao le melaoana e ba tsamaisang. A re ba tla thusetsoa tikolohong e bolokehileng, e nang le seriti le tlhompho leha ba fana ka bopaki e tla ba bo lokohileng hobane ba na le thepa ea boleng.

Moemeli oa EU Paola Amadei, o itse toka e lokela ho abeloa batho bohle ho se khethollo, ho thibela tliekefetso baneng ho thusa

ho matlafala ha bophelo bo botle ba sechaba, ho holisa sechaba se nang le lerato, tsebo, tlhompho le boikemelo. O thoholelitse mohato

ohle.

A tsoelapele hore ho nchafala ha makhotla a bana ho tlo thusa hore kabo ea toka e be e nang le ponaletso,



## We are victims of our habits

Most of us develop certain habits as just part of having fun; only for leisure. We know how these habits start, they start innocently as something we can control, that which is dependent on where we are, whom we are

with or probably how much we have. However, with time when these habits develop they become a necessity, something we can not operate without, in this way the habit has taken control, we are no longer in control. A lot of things begging to

fall victim to the wrath of the habit, starting from our emotions, the habit controls how we feel, affects those around us, relationships suffer, families and communities around us. All these because of something we developed thinking we were being cool.

I'm of an opinion that the only way to stop a negative habit from ruining our lives is by not developing them because once developed control becomes a near impossible task. Most of us are not where we feel we should be in life only because we are busy feeding our negative habits with time, energy and finances. The habits we have developed are now a burden, delaying and in some cases destroying our potential. We should learn to develop positive habits which will push us to the right direction to avoid falling victim to negative habits.

ona kaha o tl'o thusa ntlafalolong ea toka litabeng tsa bana.

Moahloli e Moholo Chief Justice Sakoane Sakoane, o hlalositse hore boikittlaetso bona bo tl'o thusa haholo kabong ea toka 'me ke qaleho e ntle e bontšang kholo le boiphihlelo Naheng ea

linyoe e tsamaee ka nako kaha ho se ho sa tl'o ba bo-ima hore ngoana a tšabe ho bua se etsahetseng. A re ho bohlokoa hore batsoali ba ise bana 'boot camp' hore ba il'o hlahlelloa ka lerato la naha le ho thusoa ho nena litlolo tsa molao kaha li ba senyetsa bophelo.



**Teboho Matjeka**  
63574502/58911803



# WAA e mema basali

## Nthabeleng Seitlheko

**B**asali ba lokela ho emela le ntsoeleng litabeng tsohle tse ba amang, tse amang sechaba haholo khohle ea bana le ntlafalo ea bona. Litaba tse na li boletsoe ke Moemeli oa Naha ea Lesotho Mokhatlo oa Basali ba Afrika (WAA) Paballo Maqala, ka la 21 Pherekhong monongoaha.

O re mokhatlo ona o tla thakhola semolao ka la 1 Hlakola monongoaha, 'me o shebane le ho kopanya

mafapheng a fapakaneng, tse tl'o thakela basali ka malebela a bophelo ba bona. A re basali ba lokela ho sireletsana le ho emela ntlafalo ea bophelo ba bona ka maoto.

O tsoetsepele hore mahlo a bona a boetse a shebile ka matla ntlafalo ea ngoan'a ngoanana hore a hole a itseba, a e-na le boikemelo le ho iketsetsa 'moho le oa moshanyana molemong oa ho teha ka bacha ba matla.

O bontšitse hore ke nako ea hore basali ba tsoe ka makhalo ho bona hore ba ipabola ka makhabane



basali ba Afrika, haholo ka litaba tsa boiketsetso, ho ikemela, ho tseba ka mere-ro eohle le ho tšehetsana e le basali mererong eohle.

O itse sena se etsahala hobane ba ile ba eleloa hore basali ba bangata ba kena lipolotiking kapa boetapeleng empa tšehetsano e'a fokola e leng se thefulang matla a bona. A re ba boetse ba tla matlafatsoa ka ho iketsetsa khahlanong le phetoho ea boemo ba leholimo kaha e ama basali ba bangata hoo ba bang ba siang malapa le ho lahla bana ba bona hobane tlhahiso e fokola.

Maqala o re ka letsatsi leo ho tla cha khong ho sale molora kaha ho na le libui tse fapakaneng ho hlaha

litabeng tsa boetapele, haholo lipolotiking le mekhatlong ea sechaba. "Basali ba matla, kahoo matla a bona ba lokela ho a bonahatsa ha ba le 'moho kaha lefu la noha e le ho tsamaea e le 'ngoe." O boletse joalo.

A re ba tl'o rutoa ka litaba tsa tlhompheho, ho tšehetsana le ho ntšetsana pele e le basali, hobane ha ba tšoarane ka matsoho ba fihlela lintho tse khohle ka hoo ba lokela ho sebetsa ho bona hore bohle b'a atleha.

O ipilelitse ho basali bohle ho ba karolo ea mekhatlo hore ba tsebe ho iphelisa le ho phelisa malapa a bona e tsoe re phela nakong eo moruo o putlameng, ho hlokalang batho ba tsebang ho itšoarela ka matsoho.



# MCC e ikisa sechabeng



## Nthabeleng Seitlheko

**L**ekhotla la Mose-Moholo Maseru (MCC) le tsoile letšolo ho fana ka litšebeliso sechabeng, ka ho potoloha le mabatoana ao le sebetsang ho ona. Litaba tse na li boletsoe ke Mongoli oa MCC, 'Moea Makhakhe, Phopholetsa Ha Mabote, ka la 20 Pherekhong monongoaha.

O re sena ba se etsa ho atametsa litšebeliso sechabeng, hore moo e bang sechaba se na le littlelebo li sebeletsoe libakeng tse joalo. A re bahlanka ba MCC ba tsoile ka makhalo hobane ba rata ho fumana moo pharela e leng teng e etsang hore Basotho ba bang ba se lefelle lits'ebeliso ha ba bang ba li le fella le ho fumanela mathata ohle tharollo ea moshoelella.

O itse ba boetse ba sebeletsa ho bona ho e-na le phano ea litšebeliso e tsitsitseng le metso ea puso ea sechaba hore bohle ba amohele bafani ba litšebeliso metseng. A tsoelapele hore ke takatso ea bona hore litšebeliso li isoe sechabeng, hore bohle ba nolofaloe ke ho fumana

litšebeliso. O itse ba hloka hore sechaba se hlahise littlelebo, lithohletso, lipotso le likhothaleto ho MCC molemong oa hore bohle ba fumane litšebeliso tse tsoileng matsoho.

Ho sa le joalo Majoro oa Teropo ea Maseru Motlalepula Sepipi, o re ho bohlokoa ho atametsa litšebeliso sechabeng e le ho sututsa hore tse hlokoang ke sechaba li phethahale. A re sechaba se lokela ho sebelisana 'moho le bahlanka bana hore litaba tsohle tsa bona li sebetsoe molemong oa hore lillo tsohle e be pale ea maobane.

O supile ho se qeaa-qeaa hore sechaba se hloka litšebeliso ka ho etsa joalo ke ho atamela batho ba se nang bokhoni ba ho ea litšebeliso, eleng maqheku le maqhekoana le batho ba nang le bokooa.

A re ho bohlokoa hore mafapha ohle a atamele sechabeng kaha ho na le batho ba ntseng ba saletse morao litabeng tsa ho fumana litšebeliso e kaba ka lebaka la khaello ea tsebo, kutloisiso ea se lokelang ho etsahala le liqholotso tsa bophelo tse kang bokulo.

Morena oa Phopholetsa

Ha Mabote Khomo Letele, o thoholelitse mohato ona o entsoeng ke MCC, ka hore o tl'o ba tsoalla litholoana tse molemo hobane batho ba bang ba sitoa ho ea litšebeliso hobane ba se na mokhoa o joalo, ba bang ke bokulo ha ba bang ba se ba holiile haholo. A re phano ea litšebeliso kahar'a motse e nolofaletsa sechaba bophelo kaha maemo a bophelo a bonahala a le thata.

E mong oa baahi puisanong le Koranta 'Mapule Raleemisa, o hlalositse hore ho atametsa litšebeliso ha MCC ke ntho e ntle, e khohle, empa taba e khohle eo ba lokelang ho e etsa ke ho bona hore batho bohle ba fumana litšebeliso e leng se tla etsahala ha ba le haufi.

O re e le baahi ba lokela le ho tseba hore na MCC e tsamaisoa joang, e fana ka litšebeliso life ntle le ho phutha lithole le hore ba tlohele ho fuoa likotlo ha ba sa lefa hobane ba hloka tsebo. A re haeba khato ena e ka etsoa nako le nako ho tla thusa bohle ho ba le tsebo le kutloisiso ka litaba tse ba amang le mefuta ea litšebeliso eo ba lokelang ho e fumana.

27 350 562 / 57396597 (whatsApp)  
bookcentre@mazenodprinting.co.ls

Mantšallala

**Here's how to access them:**

1. Download the Akello Reading App.
2. Search for the book you want.
3. Purchase or subscribe online.
4. Download the book

*Enjoy reading offline anytime on the Akello App.*

SCHOOL BOOKS


now available on the Akello Online Library!

https://library.akello.co/



# MOB KIDD'S EDUTAINMENT

**Puzzle MOB 93-4570**



**Across**


- 3 Puo eo u e tsebang. (7)
- 4 Morena e Moholo oa Basotho ho tloha ka Selemo sa 1870 ho isa 91 (6)
- 5 Tona-Kholo ea ho theha komitjana ea ho sebetsana le teleko ea Moshoeshoe II ka selemo sa 1990 (4,8)
- 7 Lebitso la pele la Naha ea Lesotho (10)
- 8 Mosali oa pele eo e kileng ea e ba morena ka selemo sa 1940 ho isa 1960 (8)
- 11 Sebaka sa nalane ea Lesotho (5,5)
- 12 Ntoa e bileng teng ka selemo sa 1820 (8)
- 13 Ntoa ea ..... e bile ka selemo sa 1880–81 (8)
- 14 Naha ea Basotho (7)

**Down**

- 1 E mong oa baqapi ba 'mino oa linoto (6,9)
- 2 Moetellipele oa mokha oa Sechaba sa Basotho ka selemo sa 1958. (6,8)
- 6 Ka selemo sa 1860, ho bile le ntoa e bileng lipakeng tsa Basotho le mohlobo ofe? (6)
- 9 Maja-pere (7)
- 10 Khotso, Pula, ..... (4)

**SOLUTION**

**MOB 93-4569**





# TSA KEREKE

## Vasquez o fuoa thomo

**Staff**


**M**opapa Francis o thontse Mobishopo oa Tikoloho ea Austin, Mohlomphehi Joe Vasquez ho ba Mobishopo e mocha oa Tikoloho e Kholo ea Galveston-Houston, phatlalatsong e entsoeng Motse-Moholo oa Kereke e Katholike Vatican City, ho

a khutlela Tikolohong ena kamora ho falla lilemo tse 15 sebaka sa bolelele ba 160Km ho ea Leboea-Bophirimela ho Litikoloho tsa Austin.

Ke ngoan'a matsibolo baneng ba tšeletseng habo, 'me o holetse toropong ea Stamford ka bophirimela bo bohareng ba toropo e kholo ea Texas. A tlotsetsoa Boprista bo Halalelang Tikolohong ea San Angelo ka selemo sa 1984. Lithuto tsa hae tsa boprista li kenye-

Gregorian.

A sebetsa e le Moeletsi oa Seboka sa Kereke e Katholike sa Amerika mabapi le mesebetsi ea Pro-Life, ea e-ba mobishopo ea ka sehloohong oa Lebatooa X bakeng sa Kopano ea Naha ea V National for Hispanic/Latino Ministry(V Enuetro). Tikoloho ena e tlalehoa e sebeletsa Makatholike a 1.7million, liparishing tse 146 le literekeng tse leshome tse ka Boroa-Bochabela ho toropo ea Texas.



la Italy ka la 20 Pherekhong monongoaha.

Khetho ena e tla kamora hore eo e neng e le molisa oa Tikoloho eo, Khosana Daniel DiNardo ea sebelelit-seng Kereke le sechaba sa Morena Molimo lilemo tse 'ne, e le President ea Seboka sa Babishopo ba Amerika nako ea hae ea ho tlohela mosebetsi e filhle pheletsong ka khoeli ea Motšeanong ngoahola kamora ho ba lilemo li 75 tsa tlhaho. Ho tlohela mosebetsi ha babishopo ho tlalehoa ho etsoa ho ipapisitsoe le melao ea Kereke ea ho beha meja fatše ha babishopo ha ba le lilemo li 75.

Mobishopo Vasquez ea lilemo li 67 o tlalehoa a khutlela hape Tikolohong e Kholo ea Galveston-Houston kamora ho sebetsa e le mobishopo ea neng a ntse a thusa khasanyong ea molaetsa o molemo nako ea lilemo tse robong ho tloha ka selemo sa 2002 ho isa sa 2010. O boetse o tlalehoa

letsa lilemo tse hlano a le Rome Naheng ea Italy moo a tlalehoang a ne a ithuta Junifesithing ea Pontifical

Houston ke toropo ea bone ho tse kholo tsa Naha ea Amerika.

**-CNA-**

**THAPELO EA JUBILEE**



**Ntate ea Maholimong**  
**Ak'u etse rea u rapela hore tumelo eo u re fileng eona**  
**Ka Mor'a hau ebile e le ngoan'abo rona Jesu Kriste,**  
**'moho le mollo oa lerato ka lipelong tsa rona**  
**Mollo o tlišoang ke khantšetso ea Moea o Halalelang**  
**li ke li tšosolose tšepo e lehlolonolo ea ho tla ha 'Muso ua hau.**  
**Mohau ua hau o ke o re fetole basebetsi ba**  
**mafolofolo tšimong ea hau,**  
**Basebetsi ba jalang peo ea molaetsa o molemo oa**  
**Evangeli.**  
**E le hore peo eona eo, e hole ka botebo kahar'a batho bohle le kahar'a**  
**tlhohleho eohle, e filhise ka ho phethahala tebello ea ho tla ha**  
**Leholimo le lecha**  
**Le Lefatše le lecha.**  
**Moo kamor'a hore matla oohle a bobe a felisoa,**  
**tlotla ea hau e tlang ho bonahatsoa e khanya**  
**kabosafeleng.**  
**Ka mohau ua hau grasia ea Jubilee ena e ke e**  
**tšosolose kahar'a rona takatso**  
**Ea ho nka leeto la tšepo le taba-tabelo ea ho filhela Letlotlo la**  
**Leholimo.**  
**Hape mohau ona oo, o ke o atise o be o ngatafatse thabo le khotso**  
**tša Mopholosi oa rona lefatšeng**  
**lohle.**  
**Joale letlotlo le thoriso li ke li isoe ho uena Morena Molimo oa rona**  
**Ea Halalelang 'me ea Tlotlehang kamehla le mehla.**

**Amen.**

**2024-2025 SELEMO C**

**Sontaha sa 3 har'a selemo**



**Nehemia 8,2-4.5-6-10**

**Pesalema 18**

**1 Ba-Korinthe 12,12-30**

**Luka 1,1-4;4,14-21**



**Khothatso**

**Litho li ngata empa 'Mele o mong**

Evangeling le utloa Kriste ea phatlalatsang hore selemo sa m-hau oa Morena se filhile joalokaha ho ngotsoe Mangolong a Halalelang. (Luka 4:19, 21) Seo Morena Jesu a se bolelang mona ke hore jubilee eo esaleng sechaba se e emetse ea messia e filhile, e leng pholoho ea messia. Kriste o netefatsa hore ke eena Messia eo Molimo Ntate a mo tšepisitseng sechaba sa hae ho tloha Testamenteng ea Khale.

Lilemong tse 2, 000 tse fetileng ka Letsatsi la Pentakonta Jerusalema (Liketso 1:4, 2:2) Morena Jesu o ile a theha Kereke e bonahalang eo bohle re leng litho tsa eona, ka mokhoa o tšoanang o ile a theha 'Muso oa Molimo lefatšeng (o sa bonahalang) joaloka Leholimong. Kereke e Katholike e bonahalang 'moho le 'Muso oa Molimo o sa bonahalang li theha 'Mele oa Kriste.

Kereke ke karolo ea 'Mele oa Kriste hobane e entsoe ka litho tse nang le kabelo bophelong ba Kriste ea tshileng bafung. Joale 'Muso oa Morena ke karolo ea 'Mele hobane o na le bahalaleli bohle ba phehletseng tumelong ea bona, eaba ba amohela moputso oa bosafeleng 'moho le pholoho. Ho sa bonahalang ke leeto le tšepo e re isang ho ho sa bonahalang; ho sa bonahalang ke thabo le khotso ea rona boteng ba Molimo le libopuo tsohle tsa leholimo.

Joaloka Bakriste le laeloa ho mamela Melao ea Morena, joalokaha Thuto ea Pele e bontša bohlokoa bo neng bo le teng ho tsebeng le ho mamela melao ea Moshe. Melao ena e ne e le mengata hoo e neng e ka nka ho tloha hoseng hofihlela hara mpa motšearo ho e mamela. Ka hona Kriste o ile a tseba hore Balichaba ba tla hloka mamello e joalo, ke ka hoo a ileng a e akaretsa ka e 'meli feela. (Matheus 22:37-40)

Moapostola Paulosi Lengolong la hae la Pele ho Ba-Korinthe o bontša bohlokoa ba bonngoe ba litho tsa 'Mele oa Kriste ho ba ntho e le 'ngoe. Motho ka mong o bilelitsoe ho sebeletsa Morena ka neho eo a e filoeng. Pitso ea hau e thusa kholisong ea 'Mele oa Kriste. Sena se bolela hore leha litho li le ngata hakaalo, 'Mele o mong 'me li sitoa ho arohana le ona. Haeba setho se seng se rera ho se etse karolo ea sona, tse ling li'a ameha hobane ho na le ho sieo.

Ho ba karolo ea 'Mele oa Kriste ha ho tšoane le ho ba karolo ea Kamphani hobane ha u sa etse mosebetsi oa hau mohiri a ka u leleka 'me a hira e mong. Ka 'Mele oa Kriste ha ho joalo hobane haeba monoana o supang o rera ho se supe, ka bomalimabe 'Mele o tla sebetsa ho se monoana o supang. Haeba ho na le Mokatholike ea khathetseng, karolo eo a e bapalang e tla lula e mo emetse 'me phatlalatso ea Evangeli e tla ameha. Paulosi o na ruta Ba-Korinthe taba ena.

'Mele oa Kriste o ke ke oa aroloa hobane Moea o mong, tumelo e 'ngoe, Tlhatsuo e 'ngoe le 'Mele o mong. Haeba karolo e 'ngoe e rera ho itlosa seo se tliša tsitsipano e ka isang karohanong.

Ka hona e mong le e mong oa rona a ke a hlahlobe boinehelo ba hae Kerekeng. Ak'u ipotse hore na "Ke nka karolo Parishing kapa 'Mishoneng oa heso?" "Ana ebe ke nka karolo ho khutlisa ba khelohileng kapa ke 'na mohloli oa karohano eo?"

**Bahalaleli har'a Beke**

- 27 Pherekhong Avitus
- 28 Pherekhong Cannera
- 29 Pherekhong Blath
- 30 Pherekhong Tudy
- 31 Pherekhong John Bosco
- 1 Hlakola Cinnia

# Lebajoa ke 'mampoli oa Chess

## Tšeliso Thakholi

**S**ebapali sa boemo ba machaba sa papali ea Chess, Tšephe Lebajoa o hapile chelete e kalo ka M1,000.00 le Mentlele ea Khauta, lipapaling tsa Chess tse bileng mafelong ana a beke, tseo morero o moholo oa tsona e leng ho itokisetsa litlholisano tse kholo tsa Lesotho Open Chess Championship tse tllilo tšoareloa BMI Seterekeng sa Berea ka la 7 ho isa la 9 Hlakola monongoaha.

Ka lebaka la bohlae le boiphihlelo bo boholo papaling ena, Lebajoa o ile a iphetela mohoalotso mokhahlelong oa pele oa lipapali tse na ho Sechaba Khalema ea hlahileng boemong ba bobeli ka lintlha-khoho tse 'ne le halofo a fumana M600.00, borarong ea e-ba libapali tse 'ne e leng Lihloe-



la Motlomelo, Mahommed George, Mphane Thabang le Motsamai Bokang, bao kaofela ha bona ba ileng ba fumana lintlha-khoho tse 'ne, 'me motho ka mong a ikhapela chelete e kalo ka M80.00.

Mokhahlelong oa Bobeli oa ba ntseng ba thuthuha mohloli e bile Liteboho selo ea ileng a fuoa Mentlele oa Khauta, bobeling ea eba Abele Mokoma ka Mentlele oa Silifera, borarong ea eba Fako Letsie ka Mentlele oa

Bronze.

Ho ea ka mohloli oa lipapali tse na eo e leng lekhetlo la hae la pele a hapa lipapali tsa mofuta ona, Tšephe Lebajoa o itse o ikutloa a thabile haholo ho ba mohloli, kaha lipapali tse na ebile

tse monate haholo, moo har'a tse ling tsa libapali tse na neng a qothisana lehlokoa le tsona e leng tse kotsi haholo papaling ena. A re taba ea bohlokoa ka ho fetisisa ke hore lipapali tse na e ne e le seipone sa hore na litlholisanong tse khoho a ka ntlafatsa ho kae moo e bang ho na le mefokolo.

"Ho 'na e bile boitokiso le boitlhlahlobo ba bohlokoa, bo tllilo nthusa ho hapa litlholisano tse na tse khoho." O boletse joalo a bile a eketsa ka hore o ikemiselise ho tla sebetsa ka thata haholo ho hapa lipapali tse tlang. Lebajoa ke e mong oa libapali tse hloahloa tsa Lesotho ea sa tsoa fuoa khau ea boemo ba pele boo Mokhatlo oa Lefatše oa Chess(FIDE), e tlotlang libapali tse ipabolang ka eona e bitsoang Candidate Master(CM), kamora ho ipabola ngoahola lipapaling tsa machaba tse neng li tšoaretsoe Naheng ea Budapest.

# Li'a matha Mohale's Hoek

## Tšeliso Thakholi

**L**etlole la Lithuso la Ramela Foundation le hlophisitse mojaho oa lipere o mekhahlelo e mehlano o tlang ho ba Lebaleng la Peiso ea Lipere, Mohale's Hoek ka Moqebelo oa la 15 Tlhakubele monongoaha, oo sepheo sa ona e leng ho tlotla ketekelo ea letsatsi la Moshoeshoe I.

Ho ea ka mohlophisi oa mojaho ona, Monghali Lehora Khalanyane mojaho ona oo e leng ona oa pele o etsang nalane kahare ho Naha ea Lesotho o tšehelitsoe ka bokhothokhotho ba chelete e kalo ka M500,000.00 ke Ramela Foundation moo ho tlang ho khetoa bahloli ho ea ka tlhahlamano ea bona, ho tloha ka ea tla hapa maemo a pele, a bobeli, a boraro, a bone le a bohllano.

A hlalosa hore mojado ona oa lipere o tla mathoa mekhahlelong e meraro, 'me oa pele e tla ba oa bolelele ba 600m oa bobeli e be oa 800m. Athe mojaho o mo-



holo o tlotlang ketekelo ea letsatsi la Moshoeshoe e tla ba oa bolelele ba 1000m, 'me bahloli ba tla abeloa meputso ho ipapisitsoe le tlhahlamano ea ba tsoileng khoeleng pele. "Re tllilo ba lefa hang ha pere e qeta ho tsoa khoeleng re ipapisitse le hore na ka tlhahlamano ea tsona ba tla fumantšoa bokae. Empa ho fihlela ha joale ha re e-s'o ka ba ntša lethathamano le meputso." A rialo.

A hlakisa hore mojaho ona ha se oa lipere tsa kahare ho naha feela empa ba entse memo le kante ho Naha ea Lesotho, 'me ba memme linaha tse kang Afrika Boroa joalokaha ba 'ne ba ba meme mejahong

e meholo e kang ea Durban re ba memmeng bao re July le Dandy. "Empa bao tsebileng hore ba se bale

malala-a-laotse ke Namibia le Botswana. A hlakisa hore beng ba lipere tse tsoang kante ba tlameha ho ngolisetsa lipere tsa bona mojaho ona, ba be ba hlahise bopaki bo bontšang moo li tsoang teng.

A qetella ka hore melao le melaoana e tla tsamaisa mojaho ona e tla 'ne e tšoane le e tsamaisang litlholisano tsohle tsa mejaho ea lipere lefatše ka bophara. A etsa mohlala o kang oa hore lipere li tla ba tlasa tlhahlobo ea lingaka bakeng sa lithetefatsi, 'me li tla tlosoa ka mechine ho li thakhola. A thetha ka ho mema sechaba sohle sa Basotho ho tla boha ha ngoale e khiba.



# E roalla le sa sele

**Tšeliso Thakholi**

**S**ehlopha sa Bolo ea Maoto sa LCS 'Masheshena' se amohetse le ho tekena libapali tse ncha tse tharo tsa bohlokoa, ka morero oa ho matlafatsa boemo ba sona Liking e Kholo ea Lesotho Vodacom mokhahlelong ona oa bobeli oa lipapali tsa liki o tliho fihla pheletsong ka Motšeanong 2025.

Tsena li boletsoe ke Raliphatlalato oa LCS, Kofa Rantai puisanong le Koranta ka la 20 Pherekhong monongoaha moo a boletseng hore libapali tse ncha tse keneng kahare ho sehlopha ke Tanki Tsibela, Tšepang Mohlominyane le Rethabile Moroeroe ho tsoa sehlopheng sa Lijabatho. Bona ba tekenetse konteraka ea ho fihlela nako ena e setseng ea lipapali tsa liki.

Athe oa ho qetela ke sebakali sa mehlang sa LCS, e leng Sepiriti Malefane ea sehlopheng sa Ace Maseru, eo a itseng ba ntse ba

le lipuisanong le botsamaisi ba sehlopha seo hore a khutlele ho LCS kaha ke taba-tabelo le takatso ea Malefane ho khutlela sehlopheng sa habo. "Sepiriti Malefane e ne e ntse e le sebakali sa LCS seo hajoale se nang le taba-tabelo ea ho bapalla LCS, 'me bokoetlisi ha bo na bothata ehlile bo hloka litšebeliso tsa hae." A rialo.

A re ho fihlela hajoalo LCS ha e-s'o lokolle sebakali leha se le seng, "empa e re kaha theko le thekiso ea libapali e ntse e butsoe ho fihlela mafelo a khoeli ena

ea Pherekhong, mokoetlisi o tla re fa hore na re tla sebetse joang." O boletse joalo. A tiisa 'nete ea hore ho fihlela hajoale sehlopha se ntse se sa sebetse hantle, 'me sena se ka 'na sa qetella se behile mokoetlisi ka moo thakali e fatelang kaha thomo eo a ileng a e fuoa h'a fihla kahara sehlopha e ne e le hore a phamole Lioli Mohope o Moholo oa Liki.

A supa hore haele mona ba tliho qala leoto la bobeli tšepo ke hore ba tla sebetse ka thata ho phethahatsa thomo ea mokoetlisi. H'a araba mabare-bare a ntseng



a ipetsa a hore bokoetlisi ba LCS bo letšolong la ho lata libapali tsa bona tse teng li-

hlopheng tse ling tsa Liki e Kholo, o itse litaba tseo ke pepe, ha se 'nete ha ho na taba ea mofuta o joalo kahare ho sehlopha sa LCS. "LCS ha e na morero oa ho lata libapali tse lihlopheng tse ling selemong sena. E sa ntse e le mabare-bare joalokaha o bolela." O boletse joalo a bile a phethela ka hore ba bile le hlahlobo ea libapali tse ncha nakong ena eo ho ntseng ho buletsoe theko le thekiso ea libapali, "me libapali tseo tsa mehlang tseo ho ntseng ho bua ka tsona li ne li sieo." A ipiletsa ho beng ba litaba tsena ho emisa kaha joale li fa sechaba letsoho ka ntle.



# Liki ea A Division ka Hlakola

**Tšeliso Thakholi**

**L**ihlopha tsa A Division tsa Liki e ka Boroa le ka Leboea, li bonahala li folofetse leraha pele metsi a e psha, ka ho simolla boikoetliso ba tsona mabaleng a fapakaneng kahara naha libeke li se kae, bakeng sa mokhahlelo oa bobeli e bile e le oa ho qetela oa lipapali tsa bolo ea maoto tsa liki tse tliho thakhoha ka la 1 ho isa la 2 Hlakola 2025.

Ha li thakhoha Lebaleng la Swallows, Mazenod ka Moqebelo oa la 1 Hlakola monongoaha, sehlopha sa mehlang sa Liki e Kholo ea Vodacom, eleng Naughty Boys se ileng sa phethela selemo se fetileng ka bolutu bo boholo, ka ho tetekoa ke lihlopha tseo se neng se qothisana lehlokoa le tsona, se tla amohela FC

Summit.

Leha ho le joalo ho hloloa ha ho belele hore ke bofelo ba lefatše. E tsoe joale ke nako eo se tlamehang ho loana ea khumamela hore se khutlise seriti le bolo eane e ntle eo se neng se tsebahala ka eona. Haele Quthing LMPS e tla nkana le sehlopha se ntseng se le leetong la ho hapa liki sa Members ea Machekoaneng tikolohong ea Mazenod. Mona le ka 'na la otlala le boella hae ba Members e ka boela ea hlola Quthing LMPS hape kamor'a ho e paputla 2-0 mokhahlelong o fetileng o bileng ngoahola.

Members e ile ea itšupa ngoahola mokhahlelong oa pele oa liki hore e na le boiphihlelo ba hore e ka hapa liki selemong sena sa lipapali sa 2024/2025, ka ho bapala bolo e tsoileng matsoho hoo liking ea sona e ileng ea e-ba eona e bonahalang e hlabile lintlha tse ngata haholo, pele ho mokhahlelo ona oa ho qetela. Papali ea ho qetela ea letsatsi leo e tla ba lipa-

keng tsa Mahlaseli le Qacha's Nek LMPS.

Letsatsing la Sontaha sehlopha sa Swallows seo le sona se ileng sa bapala bolo e ntle haholo lipapaling tsa sona tse peli tse neng li koala selemo se fetileng, se tla kopana le mohlorisi oa eona e leng Goaling Highlanders e seng e bile e tloaetse ho e hlohloka ka thupa e bohloko

ea 1-0 selemo le selemo. Na ebe monongoaha e tla o besa o tuke? Papali ena ke ea tse ling tse tla beng li shebiloe ka leihlo le nchocho tse bulang lipapali tse liki, tseo ho lebeletsoeng hore batšehetsi bohle ba Swallows ba ee lebaleng ka bongata ho ea tšehetsa sehlopha sa bona. Papali ea ho qetela e hlahlamang e tla ba ea Liponono le O5

United, e sa kang ea bapala hantle ngoahola.

Ho sa le joalo, lihlopha tsohle tsa A Division li hopotsoa le ho khothaletsoa ho sebelisa libapali tse nyenyane lilemong e leng molao o ba tlamang hore bonyane ba kenye libapali tse peli kapa tse tharo nakong ea papali. Sena se tla thusa bokoetlisi ba lihlopha tsa naha ho aha lihlopha tsa naha tse tla tseba ho bapala 'moho nako e telele.



# O hlahisa setene ka polasetiki



## Nthabeleng Seitlheko

**L**eha tlhokahalo ea mesebetsi e ntse e le bothata haholo e ama bacha ka kotloloho, bohle ba lokela ho tsepamisa maikutlo a bona litabeng tsa boqapi. Litaba tsena li boletsoe, ke Mothehi oa Nomsa Plastic Bricks PTY LTD, Morongoe Falatsi, puisanong le Koranta ka la 20 Pherekhong monongoaha.

O re ke mocha ea ileng a tsoengoa haholo ke polasetiki e bonahalang e le ngata kahar'a naha empa ho se mekhoha e ka sebelisoang hore e etse lihlahisoa. A re ho ile ha tla kelellong ea hae hore a e sebelise e qhibilihisitsoe e kopantsoe le lehlabathe, hore a hlahise litene tse khabisang le lithepa tsa moaho.

O re o etsa sena hore Basotho ba tsebe ho ntlafatsa matlo a bona ka litjeo tse bobebe joaloka ho reka lithepa tsa lehae tse kang

litene, pente le tse ling ba sebelisa haholo lintho tsa tlholeho ho etsa hore thepa ea bona e be e khahlehang.

Falatsi ea neng a sebetse le ausi oa hae khoebong ena, o re ba sebelitse ka thata ba lebeletse likatleho feela empa ha ba boima hoo ba neng ba nahana ho phahamisa matsoho leha ho le joalo ba hahamalla pele. A re ha joale khoebo ea bona leha e ntse e hula ka boima ho latela hore na ba rata ho e bona e le boemo bofe, ka hona ba ntse

ba sebetse ka thata.

Lintho tse bileng monate leetong lena o re ke hore o ile a khethoa har'a moifo oa batho ba bahlano ba ileng ba ea etsa boithuto Naheng ea Rwanda, 'me o ile a khahloa ke ho bona hore tikoloho eo e na le seriti. O re tlhahiso ea polasetiki e ngata, ka lebaka leo ba lokela ho sebelisa boqapi ba bona ho bona hore ba etsa lihlahisoa ka eona hore e hlahise mesebetsi.

Toro ea hae o itse ke hore khoebo ea hae e fumanehe hohle, e tsebahlala, e fane ka mesebetsi ho Basotho ho fokotsa tlhokahalo ea mesebetsi, ka hoo

seo a se hlokang ke tšehetso e matla hore khoebo ea hae e be le bophelo.

A fana ka keletso ho batho ba keneng kahar'a likhoebo le ba ntseng ba rera ho etsa joalo hore ba tsebe khoebo e'a pulukanya ebile e na le liqholotso tse ngata, empa ba lokela ho phehella le ho tiisetisa.

A ipiletsa ho Basotho hore ha ba phuthile polasetiki hohle, ba e bokelle ka makhetho, ebe ba mo fa eona kaha a e sebelisa ho etsa lihlahisoa, empa polasetiki ea maleiri a bana ba e tlohele hobane ha e-s'o fihlele matsapa a hore na a ka e sebelisa joang.



## ELEGANCE COUTURE

*fabric that speaks*



PHYSICAL ADDRESS:

TRADORETTE BUILDING ROOM B22

WHATSAPP: +266 58524642

FACEBOOK AS ELEGANCE COUTURE

INSTAGRAM AS ELEGANCE COUTURE

**REDEFINING ELEGANCE  
WITH DESIGNS THAT  
INSPIRE CONFIDENCE**

www.moeletsiobasotho.co.ls

Walk with style, wear your grace

ELEGANCE  
FABRIC THAT SPEAKS